

勅修河東鹽法志目錄

卷一

鹽池

禁垣

卷二

畦地

種治

渠堰

山澤

灘地

卷三

引目

課額

商人

卷四

支掣

運程

卷五

律例

卷六

鹽法

官職

卷七

官職

卷八

運城

公署

積貯

池廟

祥異

運學

武備

卷九

宦蹟

人物

卷十

疏議

卷十一

藝文

卷十二

藝文

勅修河東鹽法志卷之八

運城

河東運司有專城爲治巖而設也故曰運城

大清會典河東鹽法道駐劄山西運城在解州之

東安邑之西北爲安邑之境元時名曰路村城

周九里一十三步廣袤各四之一高二十四尺

闕四門分九坊商民輻輳煙火萬家文經武緯

總爲治巖而設志運城

河東鹽行山西河南陝西三省名曰河東者以

鹽池所在而言也秦分天下爲三十六郡河東  
居其一漢文帝曰河東吾股肱郡秦漢皆都關  
中故大河以東謂之曰河東領縣二十有四曰  
安邑曰大陽曰猗氏曰解曰蒲坂曰河北曰左  
邑曰汾陰曰聞喜曰濩澤曰端氏曰臨汾曰垣  
曰皮氏曰長修曰平陽曰襄陵曰彘曰楊曰北  
屈曰蒲子曰絳曰狐讎曰騏後漢河東郡二十  
城安邑楊平陽臨汾汾陰蒲坂大陽解皮氏聞  
喜絳邑永安河北猗氏垣襄陵北屈蒲子濩澤

端氏晉河東郡統縣九安邑聞喜垣汾陽大陽  
猗氏解蒲坂河北後魏河東郡統安定蒲坂南  
解北解猗氏五縣南齊河東郡統聞喜松滋譙  
永安四縣隋河東郡統縣十河東桑泉汾陰龍  
門芮城安邑夏河北猗氏虞鄉唐時山西省之  
府州縣俱屬河東道宋時山西通省俱屬河東  
路而以河中府所隸之河東臨晉猗氏虞鄉萬  
泉龍門滎河七縣解州所隸之解聞喜安邑三  
縣屬陝西路金有河東北路河東南路河東北



路則太原府晉忻平定汾石葭代隩寧化嵐岢嵐保德管等州河東南路則平陽河中二府隰吉絳解澤潞遼沁懷孟等州元時山西省之府州縣俱屬河東山西道肅政廉訪司明平陽府隸三十四州縣安邑夏縣古之安邑也猗氏古之猗氏也解州臨晉古之解縣也蒲州古之蒲坂也平陸芮城古之河北大陽也榮河萬泉古之汾陰也穆山聞喜古之左邑聞喜也太平臨汾絳州鄉寧古之平陽臨汾也垣曲古之垣縣

也河津古之皮氏也浮山襄陵古之襄陵也趙  
城汾西霍州岳陽古之彘縣也或曰岳陽卽穀  
遠地元史又以爲本猗氏縣洪洞古之楊縣也  
吉州古之騏縣也大寧石樓古之北屈也蒲縣  
隰州古之蒲子也曲沃絳縣翼城古之絳縣也  
永和古之狐讎也是平陽府之三十四州縣卽  
漢河東郡二十一縣舊地至古之濩澤今爲陽  
城縣端氏今爲沁水縣長修無考此河東郡之  
始末也

國朝陞平陽府屬之蒲州爲府永濟臨晉榮河猗  
氏萬泉五縣屬焉陞解州爲直隸州安邑夏縣  
垣曲平陸芮城五縣屬焉陞絳州爲直隸州穆  
山襄陵河津太平四縣屬焉陞吉州爲直隸州  
蒲縣鄉寧二縣屬焉陞隰州爲直隸州大寧汾  
西永和三縣屬焉平陽府僅轄一州十縣又陞  
澤州爲府鳳臺高平陽城陵川沁水五縣屬焉  
潞安府屬八縣仍舊以上皆食河東之鹽太汾  
遼沁皆行河東之引故皆曰河東總之河東卽

山西也以其在太行之西而言故曰山西以其  
在黃河之東而言故曰河東漢時鹽官凡二十  
有八郡河東居其一後魏宣武時河東舊立官  
司以收稅利延興末復立監司唐時解縣有鹽  
池又有女鹽池有紫泉監安邑又置有鹽池與  
解爲兩池鹽官皆未詳駐劄何地宋時解州有  
榷鹽院守貳領之總其事于制置元癸巳年命  
鹽使姚行簡等修理鹽池損壞處所丙申年行  
簡繪圖獻於上上可之乃芟莽除榛立司於池

之北澚曰路村中統二年初立陝西轉運使乃  
置解鹽司於路村延祐間解池鹽引加至二十  
餘萬仁宗以淫雨課艱減免引鈔者十之六七  
民遂名路村爲聖惠鎮紀帝德也至正丙申總  
河陝鹽使那海德俊於聖惠鎮築鳳凰城而運  
治始立名曰運城明天順二年運使馬重顯改  
作四門東曰放曉西曰畱暉南曰聚寶北曰迎  
渠正德六年御史胡振增以高偉然猶未加石  
甃嘉靖二年御史盧煥甃其東四年御史初杲

燹其西十二年御史余光燹其北十五年御史沈鐸燹其南隨治四門重樓於城角各增望樓一周增臺舖各一十九御史舒遷重作外城萬曆間磚甃侵剝天啟二年御史劉大受暨運使孫可撰修築復完御史楊繩武姜思睿楊鶚纍增敵臺守望之具

國朝順治六年姜瓖猖獗重樓臺舖悉燬運使陳喆重修如舊康熙十三年御史何元英又修并增武備二十四年御史李時謙運使張鵬翮又

加修葺此運城建置之大畧也仰觀星野爲實  
沈大梁之分俯察地形中條前列涑水後滌河  
流自天以右注鳳山表瑞而左廻洵河汾間一  
大都會哉東至安邑縣十五里西至解州四十  
里南至平陸縣一百里北至猗氏縣六十里東  
南至夏縣五十里西南至芮城縣一百里西北  
至臨晉縣一百里東北至聞喜縣一百里至平  
陽府三百里至省城太原府一千里至京師二  
千里其官署則巡鹽察院居其中左鼓樓而右

譙樓運司分司文武各員皆在城內街坊碁布  
衙署星羅倉庫壇廟無不備具巡鹽察院運司  
分司守備各衙署并運學池廟倉庫皆在內另  
有專志

一運治有九坊曰厚德和睦寶泉貨殖榮恩賢  
良甘泉永豐里仁差糧俱隸安邑惟地方奸匪  
該印捕官嵩司之外本司知事得而兼譏重課  
賦也

一譙樓在司治之左元延祐以來建聖惠鎮新



城時卽有譙樓鐘樓明正德己卯御史宋鉞重  
修卽以譙樓爲鐘樓郇城鐘聲清宵籟靜噲唌  
亮徹天啟時運城有一官夜夢一婦人青衣椎  
髻再拜而前曰妾彭城金鯨之妻阿童也勞苦  
震驚百年於茲矣晨當東逝敢告辭及寤不知  
所謂及漏盡鼓吏報譙樓鐘啞擊之不鳴恍然  
悟曰是矣乃戒健步曰汝東行遇衣青婦以吾  
名紙印文納其懷卽返慎勿顧也健步追奔三  
十餘里果然遂如所戒歸至暮鐘鳴如故自茲